


TE KURA KAUPAPA MĀORI O WAIRARAPA

# TE PŪTĀTARA



MŌHENI WAHANGA 1 WIKI WHA 2024

# TĒNĀ KOUTOU E TE WHĀNAU,

Nau mai ki to tātou mōheni mo te wāhanga tuarua mō te wiki 4! Tiro atu ki tō mātou whārangi pukamata mō ētahi atu pānui.

**PG.3**

He kōrero nā te Tumuaki

**PG.4**

HE PĀNUI

**PG.5**

Te Aho Matua

**PG.6**

Ngā uara o tō tātou kura

**PG.7-14**

Kura Pīpī Paopao

*Kura nohinohi*

*Kura teina*

*Kura waenga*

*Wharekura*

**PG.15-16**

Hākinakina

**PG.17**

Te Reo Māori

**PG.18**

Tutaki Kaiako

# HE KŌRERO NĀ TE TUMUAKI

Tēnā tātou e te whānau, ka nui rawa ngā mihi i runga i ngā tini āhuatanga o te wā.

Kei te hari, kei te koa mātou ngā kaimahi o te kura i te hokinga mai ki te kura, te noho tahi anō ki a tātou tamariki. Koia anō te tokomaha o a tātou tamariki hou - kua 15 ngā tamariki kua tīmata kē mai i tēnei tau, ā, kua piki ake te tokomaha o a tātou tamariki ki te 133 i tēnei wā!

Kei te hīkaka mātou ki te āhua o ngā whare hou, kei te kite atu i te whanaketanga o te mahi i ia te rā - tē hiahia tatari kia mutu!



# HE PĀNU //

## KAKAHU RAUMATI SUMMER UNIFORM



Kō ēnei ngā kakahu Raumati e te whānau mō ngā wāhanga 1 & 4. Waea atu ki te Tari mēnā he pātai ōu. Term 1 & 4 is SUMMER uniform please contact the tari if you have questions about uniform.

Mēnā he pātai ōu waea atu ki a whaea Te Paea ki te Tari rānei, kei raro iho ngā nama.

If you have any pātai or need to message whaea Te Paea her numbers are below. Otherwise message or ring the Kura on 0273872242




Hono mai ki te whārangi pukamata e te whānau!



TE KURA KAUPAPA  
MAORI O WAIRARAPA  
WHARANGI PUKA MATĀ

E mihi ana ki *Te Rangiura o Wairarapa* e whakakānohi nei i a tātou ki te whakataetae kapa haka ā rohe i te wīkene nei ki Tāmaki nui a Rua. Tēnei a reo whakamiha te whakamānawa atu nei ki wā mātou kaiako, ākonga, raukura, mātua anō hoki e tu ana ki te papatūwaewae.



### RĀHOROI 24<sup>TH</sup> HUI - TANGURU 2024 WHAKATAETAE

8.00am	Karakia - Tāmaki-nui-a-Rua
	"Ngā Rau Murimuri Aroha"
	MC - Opening of Competition
	Introduction of Ngā Kaiwhakawaa
8.30am	Ngāti Kahungunu Pakeke
9.10am	Ngā Kahumaiwhiti o Rongomaipāpā
9.50am	Te Kapa Haka o Tāmaki-nui-a-Rua
10.30am	Te Pakipakitanga o Hinetemoa
11.10am	Ngā Taipakeke o Ngāti Ranginui
11.50am	Te Paepae o Kahukuranui
12.30pm	Waipatu Māori Catholic Club
1.00pm	Kai o te Ra - Judges Break For Lunch (6omin)
2.00pm	Matangirau
2.45pm	Te Kapa Haka o Kahungunu
3.30pm	Te Rerenga Kōtuku
4.00pm	Kai o te Ahiahi - Judges Break (3omin)
4.30pm	Te Kapa Haka o Ngāti Ranginui
5.15pm	Te Kapa Haka o Tamatea Arikinui
6.00pm	Te Rangiura o Wairarapa
6.30pm	Kai o te Pō (6omin)
	Break on the stage to set up for Prizegiving
7.30pm	Whakanui - Prizegiving
	Tāmaki-nui-a-Rua - Hosts
	Handover Te Kahu o Te Amorangi Mauri to Te Taiwhenua o Tamatea
	Karakia Whakamutunga - Tāmaki-nui-a-Rua

# TE AHO MATUA

**Tamariki wāwāhi tahā aratakina ki te mātāpuna o te mōhio, o te ora, o te maungārongo.**

**Whaia te iti kahurangi ki te tuohu koe me he maunga teitei.**

Āhuatanga Ako 5.6: Ko ngā kaumatau ngā kaipupuri o ngā tikanga Māori, ko ratou hoki ngā pūkorero. He mea nui tēra kia piri mai rātou ki te kura, ki ngā tamariki hoki hei kaiako, hei kaiarahi.



**"Ruia te taitea, Kohia te rangiura"**

# Ngā Uara

## WHANAUNGATANGA

Ko te *Whanaungatanga* ko te mahi tahi tētahi ki tētahi. Ko te kimikimi hononga o te Wairarapa, ki ngā wāhi, ki ngā mātua, ki ētahi atu hoa. Ko te nuinga o ngā mahi ko te mahi ki ētahi atu, te kai tahi me te hāpai i ōu hoa.



# Kura Pīpī

## NAU MAI HOKI MAI KI TE ACOAKO

He mihi tēnei ki a koutou katoa te whānau e hoki ana mai, me ngā whānau hou kua tatū mai, ka rere ngā kupu whakamiha ki a koutou, whakapiripiri mai whakatatatata mai.

I tērā wiki i pōhiritia tātou ki ngā tamariki hou, ā, ki ngā whare hou hoki mō te wharekura.

Kei te whakawhanaunga tātou ki a tātou anō i ēnei wiki, ā, kei te ako tonu ngā kaiako i ngā ingoa me ngā āhuatanga ako e pai ana ki ēnei tamariki.

He tino pai te wā kaukau ki ngā tamariki. Ka kaukau rātou ia te rā, ia te rā. He mea nui kia tiaki i ngā rawa, nā reira koa matua mā, ka whakaingoatia i ngā kākahu katoa.

Ko wai mātou ngā kaiako?

Ko Whaea Hubba

Ko Whaea Astee

Ko Hinewhakaruhakiiterangi (kaiāwhina)

Ko Merania (kairīwhi)



# KURA NOHINOHI

Tēnā tātou katoa, nau mai hoki mai ki te kura mō te tau 2024.

I ēnei wiki e whā kua kaha mātou o Kura Nohinohi ki te aro ki ngā mahi whakawhanaunga i ngā wā ako, anō hoki ki waho i te akomanga.

He akomanga tau 2, 3 me te 4 i tēnei tau, he tamariki rerekē, he kaiako rerekē, he kairīwhi rerekē anō hoki, he mea nui tēnei kia pai ai te wāhanga, anō hoki te tau katoa.

Nā te wera o Tamanuiterā, ka kaukau mātou ia te rā; te mīharo hoki ki ngā tamariki te kaukau, ōrite rātou ki ngā ika.

I tēnei wāhanga e ako ana mātou e pā ana ki a Tangaroa, anō hoki ki te hurihangā wai. Hīkaka katoa ngā tamariki ki te ako i ngā wā katoa.



# Kura Teina

Mauriora kia tātou! Tuatahi e tika ana kia mihi atu ki te katoa mō te tau hou nei 2024, waihoki kua rite mō ngā mahi kei mua nei i a tātou o Kura Teina. Mō ēnei wiki e toru, kua noho ngātahi mātou hei whakakotahitia tātou ia tātou. Kia mōhio anōtia tātou ki ngā tikanga ki ngā haepapa ki ngā akoranga Māori a tō tātou kura. Rawe rawa atu te kite i o tātou tamariki me te hunga whānau kua hoki mai i tēnei tau. Nō reira kei te mihi, kei te mihi.



# Kura Waenga

Haea te ata, pūao te ata, ka hāpara te ata. Ka korokī te manu, ka korohī te manu, ka wairori te ngutu. Ko te ata nui, ko te ata roa, ko te ata ka hora noa ki tai, ki uta. Hakiri kai ake te taringa ka rongo kau noa ake i te ororoo o te wao tapu nui a Tāne.

Kua ao

Kua ao

**Kua awatea! Tihei Mauri ora**



Nau mai haere mai Potiki Hikitapua Gaunt ki Kura Waenga. E harikoa ana ngā tamariki i te taenga mai o Potiki ki Waenga i a rātou hei kaitautoko, hei kaiāwhina hoki 😊

Kei tēnei wāhanga hou kua noho ngā Tau 6 me ngā Tau 7 ki Kura Waenga. E 20 o rātou. Maha ana ngā mahi kua mahia e Kura Waenga me kī te Kura katoa - te whakatau manuhiri, te whakangahau me te whakanui i te Tiriti o Waitangi ki te marae o Hurunui-ō-rangi, te whakatō tipu me te whakapai māra, te oho moata ki te whakatau i ngā akomanga hou.

## **Hangarau ki Mākoura**

E hīkaka ana hoki a Tau 7 ki te haere ki Mākoura ki te whai wheako i ngā akoranga hangarau. He mahi hei tāpiri atu ki a rātou mahi o te kura. I konei ka ako rātou ki te hanga i ētahi taonga māmā noa.




# WHAREKURA Ki Waitangi

I te tau nei i hoki atu te Wharekura ki Waitangi, kia whakanui i te kaupapa, kia whai wheako, mātauranga hoki. Inā te waimarie kia tae atu ki te kaupapa rā, otirā kia noho atu i te manaakitanga o Te Taitokerau. Te ātaahua hoki o te whenua rā. Mai i Te Rakipae whenua, ki Haruru, ki Paihia, ki Waitangi, ki Te Rerenga Wairua, hoki atu ki Te Wairarapa, inā te ataahua o te noho tahi, ki te hōpuni. Kua purangiaho te whanaungatanga, me te aroha i waenganui i ngā tauira tae atu ki ngā pakeke.




# Te Tiriti o Waitangi



TE RUA  
PEKAPEKA

KORORĀREKA




1835  
1840



TĀMATI WAKA NENE PATUONE






# WHAREKURA Ki Rangiwakaoma

*Uea mai ngā aho o te tai, papaki kau ana ngā ngaru ki te moana tēnei te pari atu nei ki a koe e te whenua taurikura nui o Rangiwakaoma e.*


Ko te whakawhanaunga te kaupapa matua o tēnei haerenga. Tiro atu ki ngā whakaahua me ngā mīharotanga o ngā ākonga. Tēnei te reo whakamiha te pari atu nei ki a whaea Dee rātou ko whaea Kerrie ko Matua Trevor mō tā rātou i tautoko mai i a mātou i tēnei haerenga. E kore ngā mihi e mutu ki a koutou.





He tunu kai, he hanga  
toi onepu, he piki i te  
maunga o Taraoneone  
ētahi o ngā mahi.





# Hākinakina Wharekura

## TE ARIKI

Whakaaturanga Te Ariki ki Te  
Ropiha hei te 16 o  
Poutūterangi

Whakataetae Te Ariki ki  
Taranaki hei te Hereturikoka

Whakataetae Te Ariki ki Te Wiki  
Hākinakina mō ngā Kura  
kaupapa Māori Aho Matua ki  
Te Waipounamu.

## WAKA AMA

Whakataetae-ā-rohe  
9 o Poutūterangi ki  
Henley Lake

Whakataetae-ā-  
motu 17-22 o  
Poutūterangi ki Te  
Roto o Tikitapu  
Rotorua



# Hākinakina - Kura Tuatahi

# Tīpōro / Poitarawhitit



# TE REO MĀORI

## Memory game Kēmu mahara

Cut out the rectangles below. Shuffle them, turn them over, and then, flipping them back over two at a time, match the te reo Māori and English words to test your **mahara**.

kōwhai

yellow

kahurangi

blue

whero

red

kākāriki

green

pango

black

māwhero

pink

# Tūtaki Kaiako

CIARN DALEY



Ka tangi te tītī , ka tangi ki ngā manu o te moana,  
ka tangi te kākā, ka tangi ki ngā manu o te ngāhere,  
ka tangi hoki ko au, ka tangi ki ngā mate o te wā,  
Tīhei Mauri Ora!

He pīpī paopao nō Te Kohanga Reo o Ngā Waka,  
He raukura nō te kura nei hēoi tēnei au kua karopotihia i roto i te  
āhurutanga o te aroha, o te manaakitanga, o te kotahitanga ki ngā  
rekereke o kura Nohinohi.

Tēnei hoki au e takahi ana i te ara o ngā ahorangi o te  
mātauranga ki raro i te tāhūhū  
o Te Aho Tātairangi.

Whakatau mai te reo Māori,  
whakatau mai ngā mātapono o Te Aho Matua.